

आकाशवाणीखबरां

1. प्रधानमंत्री नरेंद्र मोदी होरें वेनेजुएला दिआं कार्यवाहक राष्ट्रपति डेली रोड्रिगज हंडे नै नमीं दिल्ली च उर्जा सुरक्षा, बपार ते निवेश पर चर्चा कीती।
2. शिलांग च पूर्वोत्तर परिषद दी बैठक होआ करदी ऐ। केंद्री गृह मंत्री अमित शाह होरें सैलसफा, राई-बाई, आर्थिक गलियारे दे विकास, बुनियादी दे ढांचे ते राबते बारै सोच-विचार बैठक दी प्रधानता कीती।
3. दिग्गज फिल्म निर्माता पहलज निहलानी हुंदी मौत होई गई ऐ।
4. रिपब्लिकन ते डेमोक्रेटिक संयुक्त रूपै कन्नै ईरान च राष्ट्रपति डोनाल्ड ट्रम्प हुंदी फौजी कार्रवाई गी समाप्त करने दी कोशश करा करदे ना।
5. दक्खन-पच्छिम मानसून अज्ज केरल पुज्जी गेआ ऐ।
6. पैहले विश्व योगासन खेडू चैंपियनशिप अज्ज संझा अहमदाबाद च शुरू होआ करदी ऐ।

<><><><><><>

PM-Venezuelan Prez.

प्रधानमंत्री नरेंद्र मोदी होरें अज्ज नमीं दिल्ली च वेनेजुएला दे कार्यवाहक राष्ट्रपति डेली रोड्रिगज हंडे कन्नै व्यापक गल्लबात कीती। सोशल मीडिया पोस्ट च विदेश मंत्रालय नै आक्खेआ ऐ जे नेताएं द्विपक्षीय रिश्ते दी समीक्षा कीती ते ऊर्जा, व्यापार, निवेश, सेहत सेवा, आटोमोबाइल ते होरनें च सहयोग दे नमें रस्ते दी तलाश कीती। इस च आक्खेआ गेआ ऐ जे नेताएं आपसी हित दे वैश्विक ते क्षेत्रीय मुद्दे उपपर बी विचारें दा आदान-प्रदान कीता। मंत्रालय नै नोट कीता ऐ जे दौनें पक्खें द्विपक्षीय साझेदारी गी गहरा करने ते वैश्विक दक्षिण दे हितें गी अगें बधाने लेई अपनी प्रतिबद्धता दी दुबारा पुष्टि कीती ऐ। इस थमां पैहले विदेश मंत्री एस जयशंकर होरें रोड्रिगज हंडे कन्नै गल्लबात कीती। सोशल मीडिया पोस्ट च डाक्टर जयशंकर होरें आक्खेआ जे भारत भारत रिश्ते लेई उंदी लम्मी प्रतिबद्धता गी मता महत्व दिंदा ऐ। रोड्रिगज कल भारत दे पंज दिनें दे दौरे पर नमीं दिल्ली पुज्जे हे। वेनेजुएला उंदे कन्नै विदेश मामलें, अर्थव्यवस्था ते वित्त, विज्ञान ते प्रौद्योगिकी ते परिवहन मंत्री शामिल इक प्रतिनिधिमंडल बी ऐ। इस दौरे कन्नै द्विपक्षीय रिश्ते गी होर बी मजबूत करने ते बक्ख-बक्ख क्षेत्रें च दौनें मुखें बश्कार तालमेल गी होर बी गहरा करने दी मेद ऐ।

<><><><><><>

NEC-Meeting

गृहमंत्री अमित शाह होरेंआखेआ ऐ जे नरेन्द्र मोदी सरकार ने पूर्वोत्तर च हिंसा दे जुग दा अंत कीता ऐ ते इसपूरे खिते गी विवादें दे केन्द्र दी थाह हुन नमें मौकें आहले केन्द्र च तब्दीलकरी दिता ऐ। पूर्वोत्तर परिषद दे 73में पूरे-पराते इजलास च हिस्सा लैने परैन्त अज्ज सोशल मीडिया दी इक पोस्ट च गृह मंत्री होरें आखेआ जे पूर्वोत्तर परिषद इस खेत्तरदे विकास ताई रणनीतिक योजना बनाने आहली संस्था दे तौर पर कम्म करा करदी ऐ। कन्नै गै ओहू लोके दिएं आसें-तांगें गी पूरा करने दे कन्नो-कन्नोमुकामी संस्कृति गी बी बढावा देआ करदी ऐ। सत्र च हिस्सा लैने आहले पूर्वोत्तर खेत्तरदे विकास सरबन्धी मंत्री ज्योतिरादित्य सिंधिया होरें आखेआ जे सब्बे नेता इकमजबूत ते मते समृद्ध पूर्वोत्तर दे निर्माण दे अपने संकल्प च इकजुट ना। पूर्वोत्तरपरिषद दे पूरे-पराते इजलास च पूर्वोत्तर क्षेत्र दे राज्यपालें, मुख्यमंत्रियेंते नीति निर्माताएं सने केई प्रतिष्ठित नेता शामिल होए।

<><><><><><>

My Bharat

मेरा विवा भारत (एमवाई भारत) गी गिनीज वर्ल्ड रिकार्ड्स आस्सेआ आधिकारिक तौर उपपर मान्यता दिती गई ऐ जे ओहू इक हफ्ते च ऑनलाइन क्विज लैने लेई मते सारे यूजरें दा खिताब हासल करी लेंदे न जिंदे च 3 लख 90 हजार शा मते प्रतिभागियें कन्नै क्विज दी पूरी लंबाई पूरी कीती गई ऐ, केंद्रीय युवा मामलें ते खेडू मंत्री। डाक्टर मनसुख मंडविया होरें अज्ज नमीं दिल्ली च आयोजित इक समारोह च एहू प्रमाण पत्र हासल कीता। एहू रिकार्ड पिछले बरे 25 अक्तूबर थमां 31 अक्तूबर तगर विक्षित भारत युवा नेता संवाद 2026 क्विज दे राएं हासल कीता गेआ हा। इस मौके उपपर बोलदे होई डाक्टर मंडविया होरें मेरी भारत टीम गी इस उपलब्धि लेई बधाई दिती। उनें इस गल्लै उपपर प्रकाश पाया जे देश दे युवा इस मंच कन्नै मती गिनतरी च जुटे दे ना। मंत्री होरें नोट कीता जे इस मंच दी शुरूआत थमां लेइयै अज्ज तगर मेरे भारत नै देशे च 2 करोड़ 19 लख शा मते पंजीकृत युवाएं गी शामिल कीता ऐ। मंत्री होरें युवाएं गी

आक्खेआ जे ओ इस प्लेटफार्म उप्पर रजिस्ट्रेशन, एंगेज ते कनेक्ट होने लेई भारत गी 2047 तोहड़ी विश्वित भारत दा लक्ष्य हासल करना।

<><><><><><>

HM-Agartala

केंद्रीय गृहमंत्री अमित शाह अज्ज संज्ञा त्रिपुरा दे दो दिनें दे दौरे पर अगरतला पुजंगन। इस दौरे दौरान श्री शाह होर पुष्पबंता पैलेस होटल दी शिलान्यास समारोह च हिस्सा लैंगन, लंकामुरा च सीमा सुरक्षा बल (बीएसएफ) दी सीमा चौकी दा दौरा करंगन, ते राज्य ते केंद्रीय सुरक्षा अधिकारिये कन्ने उच्ची स्तरीय बैठक करंगन। श्री शाह हुंदे इस दौरे दे सरबंघे च राज्य सरकार आस्सेआ इक उच्ची स्तरीय प्रशासनिक ते सुरक्षा बैठक दा बी आयोजन कीता गेआ ऐ

<><><><><><>

Nihalani Passes Away

मन्ने-परमन्ने दे फिल्म निर्माता ते फिल्में गी प्रमाण पत्र देने आहले केंद्री बोर्ड दे साबका प्रधान पहलाज निहलानी हुंदा अज्ज मुम्बई च काल होई गेआ। ओहू 76 बरें दे हे। 10 जनवरी 1950 च जन्मे दे निहलानी होरें 1982 च फिल्म हथकड़ी थमां निर्माता दे तौरा अपने कम्म दी शुरूआत कीती ही। उनेंगी अभिनेता गोविंदा गी 1986 च फिल्म इल्जाम च पहला बड़ा रोल देने दा जस दित्ता जंदा ऐ। जनवरी 2015 च निहलानी होरें गी फिल्में गी सर्टीफिकेट देने आहले केंद्री बोर्ड सी.बी.एफ.सी दा प्रधान नियुक्त कीता गया हा।

<><><><><><>

US House of Representative

अमरीकी सदन दे नुमायंदें इक्क प्रस्ताव पारित कीता ऐ जेड़ा राष्ट्रपति डोनल्ड ट्रम्प होरें गी ईरान च अगगे फौजी कार्रवाई रोकने दी गल्ल आक्खा'रदा ऐ। 208 दे मुकाबले 215 वोटें कन्नै एहू प्रस्ताव कामयाब रेया। एहू ट्रम्प हुंदी जंग आहली ताकतें पर नकेल कसने आहली सदन दी चौथी कोश्ट ऐ जेदे बारै च पार्टियें दा आखना ऐ जे इसी कांग्रेस दी मंजूरी नेई ऐ।

<><><><><><>

Prez. Lao PDR

राष्ट्रपति द्रौपदी मुर्मू होरें आक्खेआ ऐ जे भारत ते लाओ पीपुल्स डेमोक्रेटिक रिपब्लिक दे नजदीकी सभ्यता दे रिश्ते न, जेहड़ा बौद्ध धर्म ते रामायण दी सांझी विरासत च दर्शाया गेदा ऐ। उनें आक्खेआ जे इस बरे होथ राष्ट्र कूटनीतिक रिश्तें दी स्थापना दी 70मीं बरसी मना'रदे न जेहड़ा द्विपक्षीय रिश्तें च इक मता महत्वै आहला मील दा पत्थर ऐ। कल राष्ट्रपति भवन च लाओ पीडीआर दे उप-प्रधानमंत्री ते विदेश मंत्री थोंगसवन फोमविहाने दा स्वागत करदे होई राष्ट्रपति मुर्मू होरें नोट कीता जे अक्तूबर 2024 च प्रधानमंत्री नरेंद्र मोदी होरें आसियान सरबन्धी शिखर सम्मेलनें च हिस्सा लैने लेई लाओ पीडीआर दा दौरा लाया हा। इस दौरे दौरान केई समझौतें गी पूरा कीता गेआ जेह्दे कन्नै दौनें मुखें बश्कार सहयोग गी नमीं गति थहोई। राष्ट्रपति होरें आक्खेआ जे जित्थें भारत ते लाओ पीडीआर बश्कार द्विपक्षीय बपार च बाद्दा होआ ऐ, उत्थें गै बपार ते निवेश च होर मती तरक्की दी बी मती गुंजाइश अजें बी बनी दी ऐ। उनें आक्खेआ जे भारत सूचना ते संचार प्रौद्योगिकी, सेहत, दवाई, खेतीबाड़ी, सिंचाई, निर्माण, अक्षय ऊर्जा ते बिजली समेत केई क्षेत्रें च लाओ पीडीआर कन्नै सहयोग गी बधाने च खुश होग। पैहलें। विदेश मंत्री एस जयशंकर होरें लाओ पीडीआर दे उप-प्रधानमंत्री ते विदेश मंत्री हुंदे कन्नै बी मलाटी कीती।

<><><><><><>

Rijiju-Reform

केंद्री अल्पसंख्यक मामलें दे मंत्री किरिन रिजिजू होरें अज्ज आक्खेआ ऐ जे तकनीकी नै सरकार गी बेहतर बनाने ते कल्याणकारी योजनाएं गी असरदार ढंगै नै अमल च आहनने च मती भूमिका निभाई ऐ। उनें एहू गल्ल नमीं दिल्ली च आयोजित इक्क समारोह च सुधार उत्सव गी संबोधित करदे होई आक्खी जेड़ा अल्पसंख्यक मामलें सरबन्धी मंत्रालय आसेआ 12 बरें दे कीते गेदे सुधारें दे सरबंघें च आयोजित कीता गेदा हा। इस दरान उनें आक्खेआ जे तकनीक गी बपनाने कन्नै मंत्रालय गी मुख्य भरै च लाभार्थियें दे जीवन च खरे बदलाव आहनने च मदद थहोई ऐ। 2047 तगर इक विकसित भारत बनाने दी सरकार दे धेइयै गी दोहरां दे होई रिजिजू होरें आक्खेआ जे सरकार दा दृष्टिकोण इक नेया भारत बनाना ऐ जित्थे गरीबी खत्म होई जा ते हर नागरिक गी घर पीने दा पानी, बिजली, खाद्य सुरक्षा ते डिजिटल कनेक्टिवटी दी जानकारी होऐ।

<><><><><><>

वाणिज्य ते उद्योग राज्य मंत्री जितिन प्रसादा होरें आक्खेआ ऐ जे भारत होरनें मुखें दी तुलन च बपारी बजारें च बेहतर स्थिति च ऐ, बावजूद इसदे वैश्विक स्तर उप्पर लगातार गड़बड़ी ते आर्थिक अनिश्चितता दे बावजूद बी भारत दी स्थिति बपारी बजारें च बेहतर ऐ। मंत्री होरें एहू गल्ल नमीं दिल्ली च ग्लोबल बिजनेस रिसर्च कांफ्रेंस दे उद्घाटन समारोह गी संबोधित करदे होई आक्खेआ। श्री प्रसाद होरें हाल च गै केई मुखें कन्नै कीते गेदे मुक्त व्यापार समझौते दी सराहना कीती। उनें इस गल्लै उप्पर जोर भरेआ जे एहू समझौते भारतीय एमएसएमई गी बी अपने कम्में गी पूरी दुनिया च पेश करने दा मौका थोआ करदे ना।

<><><><><><>

Southwest-Monsoon

दक्खन-पच्छिम मानसून अज्ज केरल पुज्जी गेआ ऐ। मौसम विभाग मुजब मानसून केरल च 3 दिनें दी देरी कन्नै पुज्जा ऐ। एहदे केरल च औने दी आम तरीक पहली जून ही।

<><><><><><>

Delhi-CM Hospital Visit

दिल्ली दियां मुखमन्त्री रेखा गुप्ता होरें मालवीय नगर च कल लग्गी दी अग च जखमी होए दे लोकें दी अज्ज मैक्स अस्पताल च दाखल लोकें कन्नै मलाटी लाइयै उंदी डोल पुच्छी। उनें जखमियें ते उंदे परोआर आहलें कन्नै गल्लकत्थ कीती। मुखमन्त्री होरें अग लग्गने करी जखमियें दा ईलाज करने आहले डाक्टरें थमां उंदी जानकारी लैती ते अधिकारियें गी निर्देश जारी कीते जे उनेंगी लोडचदी मदाद उपलब्ध करोआई जा। हादसे च जान मोहाने आहलें दे नेडमें रिश्तेदारें गी 10-10 लक्ख रपे दी सींधी सहायता देने दा ऐलान कीता गेआ। गंभीर तौरा पर जखमी होए दे लोकें गी 5-5 लक्ख रपे दिते जाडन। मुखमन्त्री हुंदे दफ्तरै दस्सेआ जे जखमियें दे इलाज दा खर्च अस्पताल दे अफसरें कन्नै रलियै कीता जाह्ग तां जे इस गल्ला गी यकीनी बनाया जाई सकै जे हर मरीज गी बेहतर तरीके कन्नै दिक्-रिक्ख होई सकै।

<><><><><><>

ED-Searches

प्रवर्तन निदेशालय अज्ज मिजोरम-म्यांमार सीमा दे कन्नै लगदे सीमावर्ती कस्बे चम्पाई च 9 थाहरें पर बड्डे पैमाने पर तलाशी अभियान चला'रदा ऐ। एजेसी नै आक्खेआ ऐ जे इस बड्डे कारवाई दा निशाना भारत च गैरकानूनी तौर उप्पर बर्मी सुपारी (सुक्के अरेका नट्स) दी बड्डी तस्करी च शामिल इक उज्जे संगठित सीमा पार नेटवर्क गी निशाना बनाया गेदा ऐ। निदेशालय नै जानकारी दिती ऐ जे जारी छापेमारी दा मुख तौर उप्पर तस्करी नेटवर्क दे प्रमुख मकामी सुगमकर्ताएं दे आवासें ते कारोबारी परिसरें उप्पर ध्यान दित्ता गेआ ऐ। जांच च पता लग्गा ऐ जे इनें व्यक्तियें गैरकानूनी तौर उप्पर टियू नदी दे राएं म्यांमार मूल दी खेपें गी लेई आया हा, उनेंगी मकामी गोदाम च संग्रहीत कीता हा ते धोखाधड़ी आहले ई-वे बिलें ते जाली दस्तावेजे दा इस्तेमाल करियै उनेंगी वैध मकामी खरीददारी दे तौर उप्पर पास कीता हा। एफडी नै ए बी आक्खेआ ऐ जे इस गैरकानूनी पाइप लाइन कन्नै सैकड़ें करोड़ें रुपें दी पैदावार ते व्यवस्थित लेयरिंग च सहूलियत होई

<><><><><><>

UP-Free Bus

उत्तर प्रदेश च पुलिस कांस्टेबल म्तेहान दे मेदवारें गी राहत दिंदे होई राज्य सरकार नै म्तेयान केंद्रें तगर किफायती दरें पर बस यात्रा उपलब्ध करोआने दा फैसला लैता ऐ। मुखमन्त्री योगी आदित्यनाथ होरें इक्क समीक्षा बैठक करियै 6 जून गी म्तेयान दी बवस्था दी तैयारी दी जांच करने दे हुक्म जारी कीते ना। सिविल पुलिस कांस्टेबल ते एहदे बरोबरी आहले ओहदे दी भर्ती म्तेयान 8, 9 ते 10 जून गी हर ध्याडे 2 शिफ्टें च लैता जाह्ग।

<><><><><><>

Yogasan-C'Ship

विश्व सतह आहली योगासन खेड्ड प्रतियोगिता वल्ड योगासन स्पोर्ट्स चैंपियनशिप दा पैहला सत्र गुजरात च अहमदाबाद दे ट्रांस स्टेडिया च रम्भ होई। एहू वैश्विक खेड्ड खाके पर इक ऐतिहासिक मील दा पत्थर साबत होआ ऐ। प्रधानमंत्री नरेंद्र मोदी होर इस बड्डे कार्यक्रम च वर्चुअल ढंगै कन्नै शामिल होइये अपनी शुभकामनां देआ करदे ना। पंज दिनें आहले इस कार्यक्रम च अमरीका सने 60 देसें दे 400 शा बद्द जनें शामिल होआ करदे ना। वल्ड योगासन तैहत भारत दी मेजबानी च इस मील दे पत्थर आहले कार्यक्रम दा मकसद दुनिया भर च योग ते वेलनेस बारै जागरूकता फलाना ऐं शामिल लोक योगासन दे 7 अधिकारिक वर्गे च हिस्सा लैंगन।

<><><><><><>